

AD S. D. N. SIXTVM V. <sup>240</sup>  
PONT. OPT. MAX. <sup>16</sup>

CONCIONES TRES <sup>23</sup>

Apud Sanctum Petrum.

IN TRINITATIS, CIRCVMCISIONIS,  
ac Cinerum solemnij habitæ.

*Per Io. Baptistam de Aguilar Doctorem Theologum  
ac S. Hispalensis Ecclesie Portionarium.*

• BIBLIOTHECA NAZ.  
ROMA  
• VITICRIO CHANUSI •



ROMAE 34-10-F-12-  
Apud Dominicum Basam.

M. D. LXXXVIII.

AD S. D. N. SIXTUM V.

PONT. OPT. MAX.

CONCIONE TRIS

Apud Augustum Petrum.

IN TRINITATE, CIRCUMCISIONE,

ac Circumcisione habetur.

Per Io. Baptistam de Agnita Doctorum Theologum

ac S. Hieronymum Ecclesie Praedicatorum.



ROMAE

Apud Dominicum Bagnum.

M. D. LXXVIII.

S. D. N. SIXTO QVINTO  
PONT. OPT. MAX.

*Ioannes Baptista de Aguilar Doctor Theologus  
ac S. Hispanensis Ecclesie Portionarius.*

S. P. D.



V M multa sint bene constitutæ ciuitatis  
ornamenta, quibus in priusnum decus &  
splendorem Roma te, Beatissime Pater, im-  
perante feliciter instaurata resurgit: illud  
tibi præ ceteris gloriam conciliat immor-  
talem, quod hoc potissimum florentissimo  
sæculo Romana bibliotheca tot tamq. fe-  
licibus decoratur augmentis, vt auidissimi cuiusuis animus  
facile possit & doctrinæ præstantia, & lectionis varietate sa-  
tiari. Licet enim latrones Italia pellere, annonam populo  
suppeditare, sub honorem Crucis obeliscos erigere, maximas  
in commune bonum facultates reponere, aperire vias, tem-  
pla construere, Vrbis denique collibus perennes aquarum tor-  
rentes infundere, non sine ingenti opum tuarum præsidio in  
vnus vtilitatem prouinciæ potueris: verumtamen tuæ dum-  
taxat sapientiæ virtus admirabilis in totius orbis eruditionem  
potuit summorum volumina theologorum dispersa colligere,  
vitiata purgare, confusa distinguere, ac typis emendatori-  
bus illustrare. Vnde cum populus concordi semper excitetur  
affectu ad imitandum singulare principis ingenium, non sine  
præclara tuæ laudis commendatione conspiciamus per huius  
ætatis plurimos ac præstantissimos viros omne disciplinarum  
genus celebrioribus quotidie studiorum fructibus exornari.  
Cuius ego vim propensionis, & clarissimi sideris ductum se-  
cutus, etli plura interceptis a litis in me motæ defensione mo-  
mentis opuscula non contemnenda & poetico & oratorio ser-

mone condiderim : quas tamen apud sanctum Petrum in se-  
piternæ Trinitatis , ac Circumcisionis Dominicæ , sacro-  
rumq. Cinerum solemnij habui conciones , eidem littera-  
rum thesauro libenter committo . Ut quæ aliquando ex  
diuino eloquio , patrumq. sententiâ in amplissi-  
morum S. R. E. Cardinalium conspectu , te Sa-  
pientissime Pater audiente atque laudan-  
te pronuntiaui , tui posthac montis  
insuperabili protectione mu-  
nita in amicorum manus

ab inimicis possint  
venire secura .

Vale .



# CONCIO HABITA IN SANCTISS. TRINITATIS DIE

ANNO DOMINI M. D. LXXXVII.

CORAM S. D. N. SIXTO QVINTO

Pont. Opt. Max.



*V*M verus Dei atque hominis filius, Beatissime Pater; Hebraorum regiones doctrinae suae splendoribus illustrasset, & hominum tabefacta natura salutarem vigorem suae virtute passionis intulisset, ac peracto resurrectionis triumpho supremae potestatis accepisset amplitudinem, discipulos suos, in quibus omnes evangelij ministros instruebat, in lucem pariter & salutem populis destinavit uniuersis, dicens: Euntes ergo docete omnes gentes, baptizantes eos in nomine Patris, & Filij, & Spiritus sancti. Quo nouissimi sermonis eloquio rediturus in caelum dominus Ecclesia suae posteritati velut pater futuri saeculi prospexit, dum sempiterna Trinitatis aperuit ineffabile mysterium, simulq. potentissimum regenerationis instituit sacramentum. Vt ex omni natione, quae sub calo est, promissionis filij vocarentur, quos non externa solum corporis ablutio, sed interna etiam mentis illustratio renouaret, & amissa restitueret dignitati. Nam sicut baptizato in Iordane Domino eadem se Trinitas apertis declarauit indicij, cum super ipsius incarnati verbi personam Spiritus sanctus in columbae specie descendit, & mansit, audita de celo Patris vocantis: Hic est filius meus dilectus, in quo mihi bene complacui: non secus in renouationis lauacro salua cooperatione inseparabilis Deitatis se Pater, se Filius, se proprie Spiritus sanctus ostendit. Filius enim originem, quam sumpsit ex utero Virginis, ponit in fonte baptismatis: & Spiritus altissimi virtus, & obumbratio, quae fecit ut Virgo gigneret Saluatorem, eadem facit, ut regeneret unda credentem: quem Pater aeternus in primogeniti sui temporali nativitate congenitum adoptat in  
A 3 filium

Matt. 3

Isai. 9

Luc. 3

flium . Vnde quamuis nulla mens ad cogitandum de Deo , nulla ad lo-  
 quendum lingua sufficiat : diuinis tamen sermonibus eruditi fideles il-  
 lam de incomprehensibili summâ naturâ sacramento fidem mentibus am-  
 plectimur illuminatis , & ardenti predicamus affectu . Quam nobis Pa-  
 ter caelestis reuelauit , quam stabilivit Vnigenitus , quam Spiritus san-  
 ctus infudit . Scimus enim , & toto corde consistemur in eam Patris , &  
 Filij , & Spiritus sancti Deitatem , & consubstantialem sempiternam Tri-  
 nitatis essentiam in nullo a se diuisam , in nullo esse diuersam , nullo exor-  
 dio temporalem , nulla varietate mutabilem . Quia tota simul Trinitas  
 una virtus est , una maiestas , una substantia : par in omnipotentia ,  
 aequalis in gloria , concors in voluntate : indiscreta opera , inseparabilis  
 dilectione : simul implens omnia , simul continens vniuersa . In qua ideo  
 scriptura sacra singulis aliquid personis per proprietatem vocis aut  
 operis adsignat , vt nobis eiusdem Trinitatis insinuet veritatem , non ta-  
 men vt diuidat intellectus , quos distinguit auditus . Nam cum vera  
 unitas , ac vera Trinitas possit quidem aliquatenus mente sentiri , sed  
 non possit simul ore proferri : numquam intelligeretur esse Trinitas , si  
 semper inseparabiliter diceretur . Quare cum Dominus ante passionis  
 suae diem discipulis suis Spiritus sancti polliceretur aduentum : Hac , in-  
 quit , locutus sum vobis apud vos manens , Paraclitus autem Spiritus  
 sanctus , quem mittet Pater in nomine meo , ille vos docebit omnia , &  
 suggeret vobis omnia , quaecumque dixerò vobis . Et iterum : Verba ,  
 quae ego loquor vobis , a me ipso non loquor , Pater autem in me manens  
 ipse facit opera : Quae igitur illuminat Pater , illuminat Filius , illumi-  
 nat Spiritus sanctus : & cum alia sit persona missi , alia mittentis , alia  
 promittentis ; simul nobis & unitas manifestatur , & Trinitas . Vt es-  
 sentia non recipiens solitudinem sic in tribus intelligatur esse personis ,  
 vt omnibus aequalitatis & existentia gradibus exclusis nulla ibi persona  
 sit maior , nulla minor ; nulla sit anterior , nulla posterior . Non enim  
 est pietas Vnigenito praeferre , Genitorem , nec omnipotens Pater , nec in-  
 commutabilis aestimatur , si aut minorem se genuit , aut quem non ha-  
 buit , habendo profecit . Quapropter dicente Domino : Qui videt me ,  
 videt & Patrem , tanta excacauit haereticos dementia , vt qui Filij ma-  
 iestatem non viderunt , Patris gloriam non viderent . Cum idem Do-  
 minus per potentiam verbi se Patri profiteatur aequalem , qui propter  
 carnis veritatem se Patre dicit esse minorem : & una catholica fides  
 vtrumque



utrumque suscipiat, utrumque defendat, qua secundum confessionem  
 beati Apostoli Petri unum Christum Dei viventis filium & hominem Io. 16.  
 credit, & verbum. Quibus divina sapientia documentis ita noster  
 acquiescit assensus, ut quantumcumque de incomprehensibili Patris  
 & Filij substantia radio superna lucis attingit, hoc ipsum de Spiritu  
 sancto simul & indiserete concipiat, & quidquid Deo dignum repe-  
 rit, nulli hoc audeat negare persone. Cuiusvis enim nefanda opinio-  
 nis dogma blasphemum disciplina celestis execratur, & damnat, qua  
 sic Trinitatis adserit unitatem, ut Patrem & Filium, & Spiritum  
 sanctum sine confusione indivisos, sine tempore sempiternos, sine dif- Ioan.  
 ferentia credat aequales. Christiana siquidem fidei fortitudo, qua por-  
 tas mortis super hanc inexpugnabilem petram adificata non metuit, im-  
 pugnatores mysteriorum Dei sub imperio diaboli militantes dextera  
 Domini pugnante confringit, & errorum tenebras coruscante lumine  
 veritatis expellit. Quia vero, ut Apostoli verbis utar, Neque cir- ad Gal  
 cumcisio, neque praputium aliquid valet, sed fides, qua per dile-  
 ctionem operatur, quotquot per aquam & Spiritum sanctum renati su-  
 mus, solerti studio vigilemus, ut cui intelligentia concessione subij-  
 cimur, eidem pietatis imitatione iungamur. Quippe cum Dominus  
 Apostolis suis regenerandi filios hominum, & in filios Dei adoptandi  
 tradidit potestatem, vita quoque rationem praescribens, ait: Docentes Matt. 2  
 eos servare omnia, quaecumque mandavi vobis. Et ne quisquam se per  
 occasionem infirmitatis excuset, cum sine quo facere nihil possumus, Io. 15.  
 omnia per ipsum valeamus implere, spondet nobis Dominus presen- Philip.  
 tiam suam, dicens: Ecce ego vobiscum sum omnibus diebus, usque ad Matt. 2  
 consummationem saeculi. Sic etenim qui per Isaiaem vocatur Emmanuel, Isai. 7.  
 idest, nobiscum Deus, sui nominis proprietati respondet: atque adeo qui  
 ascendit in calos, non deserit adoptatos: qui sedet ad dexteram Patris, to-  
 tius habitator est corporis: quia ineffabili modo capis esse diuinitate pre-  
 sentior, qui factus est humanitate longinquior. Immo etiam in utrus-  
 que veritate natura voluit nobiscum permanere idem verbum ca-  
 ro factum, siquidem in illa mystica perennis mensa conuiuij sic im-  
 partitur, & sumitur, ut accipientes virtutem celestis alimonie in  
 carnem ipsius, qui caro nostra est, transeamus, dicente Domino: Qui  
 manducat meam carnem, & bibit meum sanguinem, in me manet, & Ioan. 6  
 ego in illo. Cum ergo tanta sit misericordia Dei, ut nos sub veteris

quondam ignorantia profunda nocte pereuntes in Patriarcharum  
societatem, & sortem electi generis adoptarunt, sic nobis  
potissimi reuelatione mysterij fides illuminet intelle-  
ctum, ut etiam diuinorum custodia mandato-  
rum accendat charitas voluntatem, spes  
quoque caelestis auxilij promissio-  
ne memoriam ad aeterna  
gaudia felicitatis  
attollat.



CON-



CONCIO HABITA  
IN DIE CIRCVMCISIONIS

DOMINI. ANNO M. D. LXXXI.

CORAM FE. RE. GREGORIO XIII.

Pont. Opt. Max.



**M**MENSÆ pietatis singulare argumentum, B. P. verbi, quod fecit Dominus super terram, abbreviationi Luc. 2.  
congrua verborum breuitate B. Lucas Euangelista nobis hodierno die ante oculos ponit. Puerum quippe nobis Isa. 9.  
natum, & filium nobis datum, paulo minus ab angelis suscepta humanitate demissum; iam nunc ex præscripto legis circumcissum, non solū hominis, sed etiam peccatoris formam habentem celestes Psal. 8.  
admirantur spiritus, tenebrarum potestates exhorrescunt, homines demum permixta ingenti miserationi latitiae veneramur. Agnum Leuit. 1.  
sine macula, paruulum, mansuetum, & humilem coram percutiente hodie obmutescere fidei oculis intuemur: quem stantem supra montem Exod. 1.  
Sion centum quadraginta quatuor electorum millia inauditis canticorum harmonijs in æternum laudant: qui uteri virginei claustrum in Isa. 53.  
exitu suo integrum potuit a corruptione seruare, carnem suam a circumcidentis gladio eadem præditus potentia non eripuit: qui non esse Apoc. 1.  
opus bene habentibus medico prædicaui, male habentium & verendum, & asperum medicamen assumpsit. Sed quid mirum si caput pro Luc. 5.  
membris, quam in se non habuit, necessariam medelam suscepit? si quidem sepe in nobis pro vnus membri agitudine alteri solet adhiberi curatio? Aut cur pro nobis circumcidi nollet, qui pro nobis nasci, lacrymari, ac sanissimam subire crucem non est dedignatus? Etenim cum Gen. 17.  
sub hoc circumcisionis signo (quod benedicendarum in suo semine gentium Abrahamus acceperat) incarnationis Christi concluderetur arcum: idem ille agnus, qui accipere librum, & aperire signacula eius Apoc. 1.  
dignus inuentus est, id nobis hodie signaculum inter cetera beatissimo suo sanguine refferauit. Qui dum ad auferendas Iudeorum excusationes in semine Abrahamæ circumcissus apparuit, susceptæ humanitatis veritatem

uit. 11. ritatem ad euicenda hereticorum deliria demonstrauit. Idemq. ipse  
 att. 28. circumcisionis in lege, & baptismatis in Euangelio institutor, utrumque  
 expiationis genus pro prima illius culpe, qua infecti omnes nascimur,  
 c. 2. emundatione sancitum, & octauo natiuitatis die circumcisis, & tri-  
 c. 3. gesimo atatis anno baptizatus excepit. Quo mirabili humilitatis & obe-  
 dientiæ documento, & finienda iam legis decreta suo fuisse tempore  
 a. 28. saluberrima ostendit; & Iudeorum atque Gentilium populos velut angu-  
 laris quidam lapis utrique parieti coherens sibi copulauit; eosq. sub  
 vna Christi fide saluandos fore exemplo, prius quam verbo, indicauit.  
 Neque illud solum, sed vniuersa etiam legis onera, quibus minime in-  
 Gal. 4. digebat, subire voluit factus sub lege, ut eos qui sub lege fuerant a  
 legalium deinceps obseruatione liberaret. At quamuis carnis circumci-  
 Gal. 5. sio superueniente baptismi gratia, & antiquis carimonijs, quæ nunc  
 sunt præstita figurantibus euanuerit, non secus atque flores præsentē  
 fructu marcescunt ac decidunt: nos tamen adhuc debere circumcidi  
 sanctorum patrum docent præconia. Circumcidi sane non littera, sed  
 em. 4. spiritum & veritate, circumcisione non manufacta, de qua Hieremias:  
 Circumcidimini Domino, inquit, & auferite præputia cordis vestri.  
 Circumcidimini, inquit, non in vno tantum membro, sed in toto cor-  
 uit. 12. pore simul. Licet enim in ea parte, qua Iudæis mandabatur circumci-  
 sio, concupiscentiæ venenum petulantius regnet; nulla tamen in uni-  
 i. 1. uersa carne nostra a planta pedis, usque ad verticem capitis inueni-  
 tur sanitas. Atque adeo sicut paruulus ille in fide populus congruum  
 sibi exiguae circumcisionis mandatum accepit, sic ubi creuit in virum  
 perfectum toto iubetur corpore baptizari, quæ totius est hominis integra  
 circumcisio. Qui ergo noxiarum cogitationum superflua scindunt, & sca-  
 turientes libidinum flammæ extinguunt, effrænesq. inferiorum virium  
 Cor. 10. motus reprimunt, j. procul dubio se cultris ex petra compactis, petra au-  
 Gal. 3. tem erat Christus, vere hodie cum sanctissimo puero circumcisos, atque  
 Gal. 4. adeo veros Abrahe filios, & facta illi promissionis heredes ostendunt.  
 Neque immerito Dei & hominum mediator, qui diuinitatis suæ  
 radios inter humana infirmitatis opera numquam celauit, dum pecca-  
 toris instar circumciditur, ut verus homo dolores nostros expertus, Ie-  
 c. 2. sus vocatur tamquam filius Dei, gloriam suæ indicans maiestatis. Sal-  
 uator enim meritisime dicitur, qui fuit ad totius orbis editus salutem;  
 sed tanti nominis compellationem non prius voluit, quam immaculatum  
 pro nobis effundens sanguinem, eneruatis ex hoc inferni viribus salutē  
 nostram operari cepisset. O dulcissimum simul, ac potentiss. nomen omni

ceteris maxime contemplamur, & colimus, pietatem scilicet & maiestatem breui admodum elementorum compagine & proferentibus, & audientibus repræsentat. Reliqua enim quotquot in sacris litteris Dei nomina legimus, aut diuinæ pietatis gratiam, aut saltem potentiam denotant maiestatis, iuxta illud prophetæ: Duo hæc audiui quia potestas Dei est, & tibi Domine misericordia. Nam si sanctum & terribile nomen eius effertur, quid aliud quam æterna maiestatis concipimus amplitudinem? At si non esse aliud nomen sub celo datum hominibus, in quo oporteat nos saluos fieri, predicatur, quid aliud quam diuinæ pietatis meditamur abundantiam? Verumtamen uno, eoque breuiss. isto nomine, & maiestatis epitheton, quod in Hieremia, Dominus iustus dicitur, & pietatis agnomen, quod in Isaia, Emmanuel, hoc est, nobiscum Deus appellatur, suauissime connectuntur. Immo etiã celeberrima illa nomina continentur, quibus idem Isaïas gratulabundus puerum nostrum compellabat, inquit: Et vocabitur nomen eius admirabilis, consiliarius, Deus fortis, pater futuri sæculi, princeps pacis. Quorum si quidpiam Christo defuisset nec Saluator esse nec vocari potuisset. Quis enim tot, tamque mirabilia in omnibus tam interni, quam externi hominis viribus pro salutis nostræ opere perficiendo operatur, nisi admirabilis noster infans? De quo regius vates præcinit: Domine Dominus noster quàm admirabile est nomen tuum in vniuersa terra! Admirabile quidem, quia in eius auxilio iam quod optabamus, effugimus, quod fugiebamus amplectimur: dolemus denique, quibus latabamur. Sed qua ratione Saluator nobis salutem præstaret, si eisdem in pœnitentiæ electione ac vitæ ordine semper a consilijs non existeret? Aut quomodo præcedentium criminum indulgentiam, sine qua non constat salus, assequeremur, nisi & ipsum esse Deum, qui solus peccata dimittit, experiremur? Verum neque id ad salutem sufficeret, nisi in expugnando impugnantes nos concupiscentias, ne rursus ab illis superemur, eundem fortem probaremus. Adhuc tamen aliquid Saluatori deesset, si pater non esset futuri sæculi, per quem ad immortalitatem resurgeremus, qui per huius sæculi parentes generamur ad mortem. Neque esset hoc satis, nisi idem Princeps pacis nos patri reconciliaret æterno, ne forte sicut filij perditionis ad non salutis pœnam resurrecturi videremur. O præstantissimum nomen, de quo sponsa in Canticis: Oleum, inquit, effusum nomen tuum! Oleum sane usquequaque diffusum; a calo nempe in Iudæam; & inde in omnem terram protensum, adeo ut ab hoc

Psal. 61.

Psal. 111.

Acto. 4.

Ierem.

Isai. 7.

Isai. 9.

Psal. 8.

Matt. 9.

Rom. 8.

Cant. 1.

tuum. Effusum plane, quod non solum calos, terrasq. perfudit, sed ad  
 d Phil. 2. inferos etiam penetrauit, ita ut in eodem nomine omne genus flectatur  
 celestium, terrestrium, & infernorum, & omnis lingua confiteatur,  
 & dicat: Oleum effusum nomen tuum. Sicut enim oleum lucet, pascit, &  
 ungit, dum ignem fouet, corpus enutrit, ac dolorem mitigat: haud  
 secus Salvatoris nostri nomen lux, cibus, & medicina omnibus existi-  
 sit. Vnde namque toti terrarum orbi tam splendidus illuxit dies, ac  
 tanta fidei ac veritatis lux fidelium mentibus affulsit, nisi ex pradi-  
 Petr. 2. cato isto nomine? in cuius splendore clarissimo Deus nos in admirabi-  
 le lumen suum indignos vocauit, quibus illuminatis, & in lumine ip-  
 d Eph. 5. so videntibus lumen merito dicit Apostolus: Eratis aliquando tenebrae,  
 nunc autem lux in Domino. Cibi etiam nutrimento & suauitate pol-  
 let hoc nomen. Quid enim aque mentem illud cogitantis impinguat,  
 exercitatos sensus reparat, virtutes roborat, bonos & honestos mores  
 vegetat, & castas affectiones fouet, atque suauissimi huius nominis  
 meditatio? Aridus quidem est omnis anima cibus, si non huius nomi-  
 nis oleo infundatur: insipidus, nisi saluberrimo isto condidiatur sale,  
 quod mel in ore, in aure melos, & in corde iubilis comprobatur: Sed  
 neque medele proprietate caret idipsum nomen. Quid enim ita ira  
 impetum cohibet, superbia tumorem deprimit, carnis ardorem sedat,  
 inuidia liuorem sanat, auaritiam temperat, ac totius indecoris pruri-  
 ginem in fugam conuertit, quam eiusdem nominis inuocatio? iuxta  
 Gal. 49. illud: Inuoca me, in die tribulationis eruiam te. Cum etenim ipsum com-  
 pello, hominem mitem, corde humilem, benignum, sobrium, castum,  
 misericordem, atque omni morum honestate conspicuum mihi propono,  
 eundemq. ipsum Deum omnipotentem, qui suo me & exemplo moueat,  
 & roboret adiutorio. Hoc illud est nomen, quod cecis visum, surdis  
 auditum, claudis gressum, sermonem mutis, ac mortuis vitam dedit,  
 totamque diaboli potestatem de obsessis corporibus effugauit: In quo, di-  
 Cor. 6. cente Paulo, abluti, sanctificati, & iustificati sumus. Hoc illud est no-  
 men, in quo ineffabile Dei nomen intellectu, prolatusq. facillimum no-  
 bis offertur: completo denique Isaia vaticinio, dicentis: Propter hoc  
 sciet populus meus nomen meum in illa die. Hoc igitur nomen pectori  
 penitus imprimendum, ore celebrandum, prae manibus habendum fir-  
 ma semper beneuolentia complectamur, omnes nostros in Iesum sensus,  
 oloff. 2. & actus dirigentes, ut quemadmodum in ipso circumcisi sumus, sic  
 date ab ipso salutis nomine insigniti post eundem resurgere mereamur  
 ad gloriam.

# CONCIO HABITA

## FERIA IIII. CINERVM.

ANNO DOMINI. M. D. LXXXII.

CORAM FE. RE. GREGORIO XIII.

Pont. Opt. Max.



**R**ASCHALE sacramentum ceteris religionis nostra mysterijs longe sublimius condigna veneratione suscepturos; Beatissime Pater, totius quidem temporis solennia, sed praesentes maxime dies purificandis animis atque corporibus instituti, praueeniunt: ut antea vitae desideria sancti obseruatione ieiunij diluamus, & contra vniuersa vitiorum incentiua continentia nos virtute robaremus. Omnia quippe laqueis, omnia sunt plena periculis: incitant cupiditates, insidiantur illecebrae: blandiuntur lucra, damna deterrent: secunda corrumpunt, aduersa nocent: diuitiae eleuant, paupertatis angustia deprimunt; sanitas est materia negligentiae, aegritudo causa tristitia: & affectus, qui sub delectatione languescit, sub anxia sollicitudine laborat. Quis ergo quamdiu in mundo, qui totus in maligno positus est, detinetur, in isto mortis corpore constitutus, inter inuisibiles hostes, frequentesq. conflictus, aut immunis a tentatione, aut liber inuenitur a culpa? Quis pietatem tangit, & non inquinatur ab ea? Quis non infirmatur in carne? Quis non sordescit in puluere? Et, ut cum Propheta dicam: Quis gloriabitur rectum se habere cor, aut mundum se esse a peccato? Quamuis enim Sancti Dei quotidianam de antiquo serpente victoriam diuinae gratiae viribus obtineant; numquam tamen auferrunt dimicandi materiam, sed ne confecto praelio, parata securitate, superbiant, semper oportet superesse quod vincant. Quapropter angusta & ardua via, quae ducit ad vitam, corporeis sensibus abscondita, dicente Apostolo: Quae videntur temporalia sunt, quae autem non videntur aeterna, raris paucorum intrantium vestigijs illustratur. Et nemo in eam gressum inferret, nemo pedem promoueret, nisi difficiles

1. Ioan.

Rom. 7.

Psalm. 3.

Matt. 7.

2. Cor.



aditus ipse se Christus viam efficiendo referret: ut autor itineris fiat  
ambulantis auxilium, & qui introducit ad laborem, idem ipse perduc  
cat ad requiem. Quis ergo certa atque secunda promissa gaudia beatitu  
dinis expectat, qui, dum caro aduersus spiritum, & spiritus aduersus  
carnem concupiscit, continentie clavis, ac Dei timore non transfigitur?  
Quis ad glorie lauream non nisi legitime certantibus reddendam pro  
perat, qui una cum reliquis Apostolica doctrina preceptis huius tempo  
ris diuinitus instituta ieiunia non complectitur? Etenim si per illece  
bram cibi irrepsit prima causa peccati, si vniuersale diluuium ventris  
incontinentia commouit, si vitium edacitatis fulmina in Sodomam con  
iecit, si nimia edendi satietas aciem mentis obtundit, vigorem cordis  
hebetat, virtutes fugat, suppeditat voluptates: non immerito sapientis  
simus humana salutis auctor, nostrarum agitudinum radicem funditus  
excisurus, necessariam nobis continentiam non solum verbis docuit, sed  
proprio etiam exemplo consecrauit. Qui Evangelicam predicationem,  
sicut olim Moses tabularum legem, Elias quoque prophetiam quadra  
ginta dierum ieiunio dedicauit, ut, quod idem legis ac prophetia supre  
mus institutor per vtriusque ministros nobis commendarat, hoc in Euan  
gelio firmissima per se ipsam consuetudine sanciret. O inaccessible di  
uina pietatis altitudinem! O Christiana gentis erubescendam segnitie!  
Qui dat escam omni carni, ut nobis medeatur, famis experitur incom  
moda: nos, ut saluti restituamur, leui corpus inedia afficere pertimesci  
mus? Esuriente capite, nos membra rescimur, qui glorie volumus ip  
sius esse consortes? Atqui falsa professionis imagine viuimus, si cuius  
nomen ac patrocinium veneramur, imitari negligimus instituta: cum  
Dominus idem dicat: Qui non accipit crucem suam, & sequitur me, non  
est me dignus. Nullo vero salubriore crucis onere compescitur redem  
pta libertas, quam ut nouerit abstinere a concessis, ut illicita, a qui  
bus se frenare nesciunt condonentur: & ieiunio breui ieiunia rediman  
tur aeterna, ubi nullus cibus, consolatio nulla, nullus est umquam ter  
minus. Caueamus igitur ne inslar Esau sempiternae ius primogeniturae  
terrestri edulio permutemus, atque de vite delictis cum diuite illo epulone  
accusati flammis tradamur. Quin potius Niniuitas imitati diuinae iusti  
tie commotionem, quam merito iniquitatis incidimus, religioso ieiunio  
mitigare conemur. Quid enim potest efficacius esse ieiunio? Cuius obser  
uantia sanitati consulimus, vitia deuincimus, Deo appropinquamus.  
De abstinencia casta cogitationes, rationabiles voluntates, salubria



consilia prodeunt. Et per voluntarias afflictiones caro concupiscentijs moritur, virtutibus spiritus innovatur, tentator eliditur, culpa deletur, charitatis lumen accenditur. Terra carnis nostrae, gratia Dei superinfluente, ieiuniorum culturis exercetur, ut, enecato omni vitiorum semine, lata virtutum seges conualescat, & non amplius spinas ac tribulos, sed generosi germinis fructum caelestibus horreis inferendum producat: si tamen non in ciborum parcitate, aut sterili tantum inedia nostri summa ieiunij constituitur. Quid enim prodest suscipere esuriam, & iniquam non deponere voluntatem? Praeciso affligi cibo, & a concepto non desilire peccato? Aut quo fructu corpori esca subtrahitur, nisi spiritualibus mens delitijs roboratur? Sic igitur nobis edendi est, corrigenda libertas, ut etiam alias affectiones eadem lege moderemur: atque adeo ab invidia malignitate, a luxuria dissolutione, ab anxietate auaritia, a perturbatione iracundia, a cupiditate vindicta ieiunemus: oculos a curiosis aspectibus, aures a fabulis, a detractione linguam, manus ab immundis operibus, a prauis animi desiderijs abstinemus: & iuxta praeceptum Apostoli: Ab omni nos inquinamento carnis, & spiritus emundemus: mansuetudinis & patientiae, pacis & tranquillitatis ornamento muniti, donare culpas, despicere contumelias, & obliuisci assuescamus iniurias. Nam cum ad hoc sancta ista consuetudo dirigatur, ut carnalis petulantia fomites euellantur: nullum magis sectandum est continentiae genus, quam ut simus ab iniusta voluntate sobrii, & ab inhonesta actione ieiuni. Nec dissimilem ieiunandi formam nobis hodie prescribens Dominus ac Redemptor noster: Cum ieiunatis, inquit, nolite fieri sicut hypocritae tristes, qui simulata vultus tristitia, & affectato corpora squalore deformantes falsa abstinentiae rigorem ostentant, ut religiosi praeter ceteris appareant, & inde laudes ab hominibus recipiant: & cum in vestimentis ouium sint astu vulpes, crudelitate lupi, conscientiae veritate poshabita, mendacii opinione latantur. Vae autem illis! Qui cum faciem cordis a malitia non lauerint, neque caelestis oleo latitiae caput mentis inunxerint, esuriunt ac sitiunt, sed non saturabuntur: anxie laborant, sed non regnabunt: demundi torrente in nia bibunt, sed non exaltabunt caput in Patria. Mens igitur documentis diuinis erudita, dum repugnantes spiritui carnales affectus voluntarijs nititur castigationibus edomare, omni circumspeditione praecaveat, ne ulla eam macula impietatis offuscet,

Ila. 58

2. Cor

Matth

Matth

Matth

aut duplicis cordis ruga dedecoret. Sed inflatione iactantia procul pul-  
 sa, de indusiria sue bonis in Domino tantum gloriatur. *sicq. de illo-*  
 84. *rum numero*, de quibus ait. Propheta: Domine in lumine oculis tuis  
 ambulabunt, & in nomine tuo exultabunt tota die, & in iustitia tua exal-  
 tabuntur, quoniam gloria virtutis eorum tu es. Qualem continentia mo-  
 dum his precipue diebus oportet ab universo fidelium numero sydyssis  
 or. 3. *sine celebrari*, ut templum Dei, cui fundamentum est ipse fundator, in  
 omnibus lapidibus speciosum, & in tota sui parte sit lucidum; & quibus  
 ph. 6. est sub inuicti Regis imperio contra nequitie spiritualis insidias commune  
 bellum, sit confociato robore dimicantibus una victoria. Quandoquidem  
 intus, feliciusq. plures cum hoste confligunt, quam singuli: nec facile  
 patet vulneri, quem opposito scuto fidei non sua tantum, sed aliorum quo-  
 que fortitudo defendit. Neque huius conflictum certaminis effugiunt,  
 quicumque virium infirmitate prapediti nulla corporalis ieiunij lege  
 tenentur; si tamen inedia laborem impendij facultatum redimant. Cu-  
 iusmodi misericordiae fructus sibi comparare non minus debent, quot-  
 quot ab epularum delectatione se continent, ut, qui abundantius semi-  
 nauerint, copiosius metant. Siquidem agricolae suo numquam segete illa  
 cor. 9. *mentitur*, quam non astus urit, non torrens trahit, non grando proster-  
 nit, non usus minuit, non mutatio violat. De qua nihil fur arripit, ni-  
 hil vinca corrumpit, nihil rubigo consumit. Integra semper manent pie-  
 tatis expensa, modo augentur, qualitate mutantur. De paruis maxime  
 st. 25. *gignuntur*, dum mystica talenta liberaliter erogata laudabili apud Pa-  
 trem familias incremento multiplicia redduntur. De perituris efficiun-  
 tur aeterna, dum pauperibus largite diuitiae per eorumdem manus in  
 thesauros caelestes deportantur. Quisquis igitur opes amat, quisquis mul-  
 tiplicari, quae possidet, concupiscit, in hac lucra accendatur, in hac rerum  
 suarum augmenta suspiret. Nec de fenore dubitet, nec de receptione dis-  
 st. 25. *fidat*, cui Christus debitor est, qui dicit: Quod uni horum fecistis, mihi  
 fecistis. Studeat refectiioni pauperum, viduarum defensionem, pupillorum  
 utilitati, ugentium consolationi, dissidentium paci. Suscipiat peregri-  
 num, adiuet oppressum, vestiatur nudum, foueat agrotum. Et ea, quae sur-  
 sth. 6. *sum sunt*, sapiens, non quae super terram, ibi curam cordis obsiringat,  
 ubi inamissibiles facultates recondit: nempe in illo, per quem maxima  
 Pet. 1. & pretiosa nobis promissa donantur, qui etiam casta & pura ieiunia,  
 st. 19. *benignis in pauperes secunda muneribus centuplo numquam peritu-  
 ra giori. fructum cum Patre & Sancto spiritu remunerat.*